



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24, utvrđen Zaključkom Vlade Kantona Sarajevo broj: 02-04-7734-42/24 od 07.03.2024.godine i Programom o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, broj: 02-04-36792-1.1/24, utvrđen Zaključkom Vlade Kantona Sarajevo broj: 02-04-36792-1/24 od 16.07.2024. godine, o b j a v l j e;

**JAVNI POZIV NEZAPOSLENIM OSOBAMA
DA SE PRIJAVE ZA UČEŠĆE U PROGRAMU ZAPOŠLJAVANJA ŠEHIDSKIH
PORODICA I PORODICA POGINULIH BORACA – BRANITELJA,
MALOLJETNIH DEMOBILISANIH BORACA, RATNIH VOJNIH INVALIDA I
ČLANOVA NJIHOVIH PORODICA**

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini i Programa o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe prijavljene na evidenciju nezaposlenih u Kantonu Sarajevo, a koje imaju status šehidske porodice i porodice poginulog borca – branitelja, maloljetnog demobilisanog borca, ratnog vojnog invalida i članove njihovih porodica da preuzmu svoj Vaučer za posao u Službi ili putem web stranice Službe, te pronađu poslodavca sa područja Kantona Sarajevo koji će ih zaposliti u najvišoj stručnoj spremi za koju su se školovali.

Cilj Programa zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica (u daljem tekstu: Program) je kraće trajanje nezaposlenosti, te stvaranje pretpostavke za njihovo dugoročno zaposlenje.

II

Služba će poslodavcima koji budu obuhvaćeni ovim Programom, na mjesečnom nivou, refundirati sredstva u iznosu od 1.000,00 KM po novouposlenoj osobi iz ciljne kategorije u ukupnom trajanju 24 mjeseca. Svi drugi troškovi padaju na teret poslodavca.

III

U Programu pravo učešće imaju nezaposlene osobe sa statusom šehidskih porodica i porodica poginulih boraca – branitelja (roditelji, bračni partner i djeca), nezaposlene osobe koje su maloljetne stupile u Armiju Bosne i Hercegovine, Hrvatsko vijeće obrane i policiju nadležnog organa unutrašnjih poslova i koje su učestvovala u pripremama za odbranu i odbrani Bosne i Hercegovine u periodu od 18.09.1991. do 22.04.1996.godine, minimalno godinu dana, pod uslovom da ne postoje okolnosti iz člana 36. Zakona o pravima boraca i članova njihovih porodica („Službene novine Federacije BiH“, broj: 33/04, 56/05, 70/07, 9/10 i 90/17), nezaposlene osobe sa statusom ratnog vojnog invalida od najmanje 20% invaliditeta kao i članovi porodice (djeca i supružnik) ratnog vojnog invalida od najmanje 20% invaliditeta, prijavljene na evidenciju nezaposlenih u Kantonu Sarajevo prije aplikacije poslodavca na javni poziv, te poslodavci registrovani u Kantonu Sarajevo.

IV

- (1) Nezaposlene osobe koje ispunjavaju uslove Javnog poziva dužne su u Službi ili putem web stranice Službe preuzeti Vaučer za posao i pronaći poslodavca koji će ih zaposliti i kojem predaju Vaučer za posao na dalje postupanje.
- (2) Poslodavci koji žele učestvovati u Programu dužni su dostaviti u originalu ili ovjerenj fotografiji:
 - a) aplikaciju za učešće u Programu,
 - b) rješenje o registraciji u Kantonu Sarajevo a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo koji ne smije biti stariji od 60 dana od dana podnošenja prijave na javni poziv,
 - c) uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv (izdat od strane Porezne uprave Federacije Bosne i Hercegovine),
 - d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) ne starije od 60 dana od dana podnošenja prijave na javni poziv,
 - e) vaučer/e za posao popunjen/e od strane nezaposlenih osobe/a i poslodavca.
- (3) U Programu ne mogu učestvovati:
 - a) Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru,
 - b) Poslodavci koji nemaju nijednog radnika ili osobu prijavljenu u radni odnos,
 - c) Udruženja, zadruge i fondacije koje nemaju prijavljenu nijednu osobu u radni odnos.

V

- (4) Poslodavci korisnici ovog Programa dužni su zaključiti ugovore o radu sa osobama iz ciljne skupine na period od najmanje 36 mjeseci uz mogućnost probnog rada u trajanju do 3 mjeseca, te prilikom potpisivanja ugovora o sufinansiranju dužni su dostaviti instrumente za obezbjeđenje sredstava (bjanko mjenica ili garancija banke).
- (5) Poslodavci korisnici ovog Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika, raskida ugovora o radu na zahtjev radnika ili isteka ugovora o radu na period na koji je sklopljen a do okončanja ugovora o sufinansiranju.

Izuzetno, odredbe iz stava (4) i (5) se ne odnose se na poslodavce iz javnog sektora.

VI

- (1) Javni poziv za Program ostaje otvoren do utroška predviđenih sredstava, a najduže 6 mjeseci od dana objave uz mogućnost prekida i prije 6 mjeseci, a odobravanje aplikacija po Programu vršit će se prema vremenu i redoslijedu zaprimanja na protokolu Službe, te aplikacije zaprimljene po prethodnom javnom pozivu od 15.03.2024.godine, a koje ispunjavaju uslove javnog poziva ali zbog ograničenih sredstava nisu obuhvaćene Programom, biće odobrene po ovom javnom pozivu.
- (2) Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana u skladu sa Programom.
- (3) Poslodavci mogu odmah nakon podnošenja aplikacije zaposliti osobe sa vaučera na vlastitu odgovornost i teret, a refundacija sredstava teče od dana potpisivanja ugovora o sufinansiranju, te poslodavcima korisnicima Programa može se omogućiti zapošljavanje zamjenske osobe ukoliko je prvobitno zaposlena osoba samoinicijativno raskinula ugovor o radu, a čiji vaučer ima istu kategoriju kao prethodno zaposlena osoba.
- (4) Rok za realizaciju Programa je 40 mjeseci od dana potpisivanja pojedinačnih ugovora, uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a o čemu će poslodavac blagovremeno obavijestiti Službu te dostaviti relevantne dokaze o prethodno navedenom.

VII

- (1) Obrasci za podnošenje Aplikacija i Vaučeri za posao mogu se dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.15/I, općinskim biroima ili preuzeti sa web stranice Službe www.szks.ba.
- (2) Nepotpuni i neblagovremeni zahtjevi neće se uzeti u razmatranje, a Služba neće vršiti povrat zaprimljene dokumentacije.

VIII

Rezultati ovog javnog poziva biće objavljeni na web stranici Službe.

IX

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-082.

